



UDAL TITULARITATEKO BASO PISTA ETA BIDEEN ERABILERA BEREZIA ARAUTZEN DUEN ORDENANTZA ORDENANZA

HITZAURREA

Azken urteotan baso pista eta baserri bideak egokitzeko udalerrian egin izan diren inbertsioen multzo garrantzitsuak arautegi bat ezartzeko premia eragiten du, guztiok bertatik ibiltzeko dugun eskubidea murriztu gabe, berauen erabilpen desegokia edo neurriz kanpkoa eta zoruaren ondoriozko hondamena gutxitu dadin.

Bide hauek egokitu zirenetik igarotako denboraldiak Korporazioari erakutsi dio herri jabetzako ondasun hauen erabilpen indiskriminatu eta arduragabea ekidingo lukeen araudi ezak zer nolako ondorioak dakartzan.

Piskanaka egoera hau konpontzeko asmoz, eta Erregimen Lokaleko Oinarrien Legean eta berau garatzen duten Ondasun eta Zerbitzuen Erregelamenduetan bildutako aurreikuspenen babesean, honako araudi hau ezartzen da.

1. Artikulua.

Ordenantza honen xedea Udal titulartasuneko nahiz erabilera publikoko bideen erabilpen bereziaren arauketa da, herri erabilerako ondasunekin zerikusia duten gaietan Udalari egotzitako konpetentziak erabiliz.

Nahiz Udal titularitatekoak ez izan, azken urteotan administrazio publikoek emandako laguntza garrantzitsuari esker konpondu eta hobeagotu diren bide eta pistak erabilera publikoak izanik, Udalak badu gaitasuna erabailera hori arautzeko.

2. Artikulua.

Udal jabetzakoak diren era eta maila guztietako pista eta bideek herri-jabetzako ondasuna osatzen dute.

3. Artikulua.

Berauen titularra edo benetako eskubidea duen heinean, Udalari dagokio herri jabetzako erabilpenen plangintza eta arauketa Ondasunen Erregelamenduaren 75. Artikuluak aurrikusten duenaren arabera.



4. Artikulua.

Erabilera librea izanik, landabideek nolako ezaugarriak dituzten ikusita eta ingurunea babestu arren, ibilgailuekin erabili ahal izateko hurrengo arau orokorrak ezartzen dira:

4.1 Debekatuta dago ibilgailu hauek pasatzea: Oruga ibilgailuak, gurpiletan kateak eta antzekoak dituztenak, arrastrekoak zoruaren gainetik edota errodadura bandakoak, 20 Tm.tik garakoak eta hiru ardatz baino gehiagoko kamioiak.

4.2 Landakamioiaren erabilera orokorrerako hurrengo mugapenak ezartzen dira Gehienezko abiadura 30 Km/ordukoa eta gehienezko zama 20 Tm.

4.3 Debekatuta dago bidean dagoen azken baserritik aurrera motoredun ibilgailuekin denborapasakoetan ibiltzea, hala nola: Ehizera, motorrean edo autoan ibiltzera, perretxiku biltzera eta abarrera.

4.4. Salbuespenak daude iharduketa berezi eta puntualeko ezinbesteko kasuetarako, horretarako dagokion baimena lortu beharko dutelarik.

5.1 Artikulua.

Lehen esandakoaren arren, Udalak baimena eman dezake landabidearen erabilera berezirako, 20 eta 26 Tm. bitarteko zama duten ibilgailuekin egur ateraketa edo lantegietako materialen garraioetarako, hala nola, motoredun ibilgailuekin azken baserritik aurrera pasatzeko ere kasu berezi batzuetan.

Debekatuta egongo da landa bide bakoitzaren azken 50 m-tan 8 Tm.-tik gorako kamioiak pasatzea.

5.2 Artikulua

lurre Industri bidea deiturikoaren, batez ere, azkeneko zatiaren egoera ikusirik, eta Beasaingo Industn-eremu berriaren eraikuntza dela eta, bide horretan irekitzen diren zirkulazio espektatiba beniak kontutan izanda, bide horren trazadu, bidezoru, ur-bilketa, eta argiztapena hobetzen ez diren bitartean, eta Kaskorantz datorren bidea eta aipatutako bide horren tartean biribilgune bat diseinatu eta gauzatu egiten ez den bitartean, bide horretako azkeneko zatian karga haundiko ibilgailuen pasoa mugatuta geratzen da, zama gehienez 16 tonakoa utziz.



LIZENTZIA ESKURATZEKO DERRIGORTASUNA

6. Artikulua.

Derrigorrezkoa da lizentzia eskuratzea aurreko artikuluan ikusitako erabileretarako ihardunean hasi aurretik.

7. Artikulua.

Dagokion lizentzia Udalari zuzendutako idazkiaren bitartez eskatuko da, ibilbide nagusia eta beste aukera batzuk, kasua balitz, argi eta garbi adieraziz, ekintzaren erabilera, zenbatekoa eta garrantzia jakitearren, baita zenbat iraungo duen eta orohar beharrezko informaziorako funtsezkotzat jotzen diren argibide guztiak, promotoreak edo behar bezala identifikatutako ordezkariak izendatuta.

8. Artikulua.

Eskaria beharrezko baldintzekin aurkezturik, tramitera onartunk eta, kasua balitz, kasuaz ari den batzorde berriemaliearen informea entzunik, lizentzia eman edo ukatu egingo da aurkezten denetik luze jota ere hilabeteko epean.

9. Artikulua.

Lizentziarekin batera erabilpenerako baldintza orokorrak eta kasu bakoitzari bereziki dagozkionak adieraziko dira, guzti horiek nahitaez betebeharrekoak izango direlarik. Lizentziarekin hirugarrenago bat kaltetzen ez dela ulertuko da eta lizentzia berak ez du kasu bakoitzean arauzko beste baimenak lortu beharraz salbuesten.

10. Artikulua.

Lizentziaren eskatzaileak berme fidantza bat utziko du derrigorrez, iharduera bitartean sor litezkeen kalteez erantzungo duena.



FIDANTZA UZTEA

11 . Artikulua.

Lizentziari atxikitako egungo iharduera nagusia egur ateratzea denez gero, lizentzia eskariarekin batera Gipuzkoako Foru Diputazioko Basozaintza Zerbitzuak burututako baimen eta neurketa orria joango da, eta egingo diren joan-etorrien gutxi gora beherako kalkulua.

12 Artikulua.

2.000 fiantzaren zenbatekoa hurrengo eskala honen arabera zehaztuko da:

Bidearen luzera

Fiantza

Km. bateraino 225 pzta./est. edo 340 pzta./tona.

Km. batetik bi km. 325 pzta./ est. edo 490 pzta./tona.

Bi km. baino gehiago 375 pzta./ est. edo 570 pzta./tona.

Gutxiengo fiantza, edozein kasuetan 100.000 pezetakoa izango da.

Kopuru hau urtero, K.P.I.-aren arabera eguneratuko da. Eguneratze hori egiteko ahalmena ematen zaio Alkate Jaunari urte bakoitzaren hasieran Dekretu bidez egin dezan.

13 .Artikulua.

Fidantzaren kopurua ezarri ondoren eta iharduerari ekin aurretik, Udal kutxan sartuko da eskudirutan edo abal, titulu edo indarrean dagoen araudiak onartzen duen beste edozein bide erabiliz.



FIDANTZAREN ITZULKETA

14. Artikulua.

Ordaindutako fidantzaren itzulketa eskatzeko Udalari idazki bat bidali beharko zaio, lanak burutu direla eta hala bada, sortutako kalteak adieraziz.

15. Artikulua.

Aurreko artikuluan aipatutako idazkia aurkezten denetik hilabeteko epean, batzorde berriemailearen informea ikusirik, Alkateak erabakiko du fidantzaren itzulketa, hala badagokio, edota lizentziaren jabeari jakinaraziko zaio zer konponketa burutu behar duen. Jakinerazpena egin eta hilabeteko epean beharrezko konponketak burutu ez badira, Udalak, indarrean dagoen Prozedura Administrazioaren Legeak, exekuzio subsidiarioari buruz dionaren arabera ekingo du.

16. Artikulua.

Baldin eta utzitako fidantza, zuzenean edota zeharka sortutako kalteen konponketa gastuak estaltzeko hain ezbalitz, Udalak

ondoriozko erantzukizunak eskatuko ditu, lizentziaren jabearen aurka beharrezko lege neurriak hartuz.

TASAREN ORDAINKETA

17. Artikulua.

Ordainarazteko gai izango da Udal titularitate publikoko mendibideak, egur ateraketa eta beste edozein garraio mota, bai harrobietako, buztin, mehatztegietakoa, e.a. erabiliak direnean.

18. Artikulua.

Tasa ordaintzera behartu dago, erabilera amankomun bereziko udal-lizentzia eskatzen duena eta, nolana ere, erabilera amankomun berezia egiten duena.



19. Artikulua.

lasa ordaintzeak ez du Fidantzak edo abalak ezartzeko obligaziotik libratzen, Ordenantza honen 12 artikuluan espreski erregulatua dagoenez.

BIDEEN KONTSERBAZIOA

20 Artikulua.

Udalak urtero ikuskatuko du bidea zein egoeratan dagoen, eta doakionen utzikeri eta arduragabekeriaren ondorioz narriadurarik atzemango balu, konponketarako laguntzarik ez ematea ebatzi ahal izango du, baldin eta bidea lehengo egoera normalean jartzen ez den.

21. Artikulua.

Auzolana erabiliko da bideen kontserbazio erregularrerako. Horretarako Udalak beharrezko materiala jarri beharko du (harri, ormigoi, hodi, todo-uno eta antzekoak) eta erabiltzaile onuradunek, lan amankomuna.

22. Artikulua.

Norbaitek auzolanean ezingo balu parte hartu, ordezkatzaileraren bat jarri beharko luke, edo bestela egun bakoitzeko 3.000,-pta. ordaindu. Modu honetan bildutako diruak, bideak sortarazten dituen gastuak ordaintzeko fondo amankomuna osatuko du.

23 . Artikulua.

Udalak, bidearen erabiltzaile onuradunen artean eta Udalaren artean bitartekari lana egingo duen pertsona bat izendatuko du.

24. Artikulua.

Aurrez erabakitzen den hilean, erabiltzale onuradunek, urtero, beraien hiru ordezkari izango direnak izendatuko dituzte eta sortzen diren arazoak Udal bitartekariari jakineraztea dagokio ordezkari hauei, beste zenbait funtzioaren artean.



HAUSTEAK ETA ZIGORRAK

25. Artikulua.

Erantzukizun administratiboa izango dute ondorengo ataletan sailkaturiko hausteak egiten dituztenek:

1 . Hauste arinak:

- a) Erregelamendu honen 4 eta 5. atalak jarraituz, baserri bideen erabilera berezia behar den baimenik gabe egitea.
- b) “Fidantza Uztea” atalean dionaren arabera, iharduera hasi aurretik fidantza ez uztea.

2. Hauste larriak:

Aurreko ataletakoak, gainera kalteak eragin badira.

26. Artikulua.

Udalak ordenantza aginduekiko hausteak zigortzeko prozedurari hasiera emango dio ofizioz edo partikularrek egindako salaketaren ondorioz.

Errepidearen eta bertako osagaien aurka burututako egintzak delitu edo falta izan daitezkeenean, eskumena duen Aginte Judizialari dagokion txostena igriko zaio eta honek ebazpena ematen ez duen bitartean ez da salaketa prozedurarekin jarraituko.

27. Artikulua.

25 artikuluan aipatzen dituen hausteak eragindako kalte edo hondaketak, kasua balitz, ondorengo isun hauekin zigortuko dira.

- Hauste arinak, 5.000 ptako isuna.
- Hauste larriak, 5.000 tik pta. 25.000 pta. bitarteko isuna.



Lehen aurrikusitako isunez aparte, arauhausleak Udalari errepidean eragindako kalteen eta bideetan egindako matxurengatik erabiltzaileei sortutako istripu edo bestelako eraginen zenbatekoaren kealteordaina emango dio.

BUKAERAKO XEDAPENAK

28 Artikulua.

Udalak ahalmena du erregelamendu hau interpretatzerakoan sor litekeen edozein arazo konpontzeko.

29 Artikulua.

Bide eta pista bakoitzaren historia errespetatu asmoz, Ordenantza honek ez ditu bide bakaitzeko aspaldidaniko ohiturak estaliko.

30. Artikulua.

Ordenantza hau Gipuzkoako Aldizkari Ofizialean testu osoa argitaratzen denetik kontatzen hasi eta hamabost egunetako epean indarrean sartuko da, bere aldaketa edo derogazioa erabakitzen ez den bitartean indarrean jarraituko duelarik.